

سنه لکی در سعادت ایچون مجیدی
بکرمی غروش حسابیله التمش
غروشدر

طشمره ایچون بوسته اجرتی اوله رق
اون بش غروش ضم اولنور

نسخه سی ۴۰ پاره در

فکر دیک محاکمه علییه

آبونه اولقی ایستینلر دائره عدلیه
اداره مخصوصه سنه مراجعت
ایلدیلور

اعلاناتک بهرندن بر مجیدیله اخذ
ایلدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

توجیهات

طوبران قضای بدایت محکمه سی مدعی عمومی
معاونلکی ترغویشته قضاسی بدایت محکمه سی مدعی
عمومی معاون احمد کامل افندی به

لوروس قضاسی بدایت محکمه سی جزا دائره سی
ریاستی آیدونات قضاسی بدایت محکمه سی مدعی عمومی
معاونی مصطفی صدقی افندی به

قولاشین قضاسی بدایت محکمه سی جزا دائره سی
ریاستی پرله قضاسی بدایت محکمه سی مدعی عمومی
معاونی عبدالکریم افندی به

پرله قضاسی بدایت محکمه سی مدعی عمومی
معاونلکی مکتب حقوق شاهانه مأذونلرندن احمد
شوکت افندی به تفویض بیورلش ومومی الهمیدن
مخلف اولیان احمد شوکت افندی در دست تحلیف
بولنشددر.

برات سنجاغی بدایت محکمه سی مدعی عمومی
معاونی فتوتلو علی طه افندی به رتبه رابعه توجیه
بیورلشددر.

تبلیغات

مرسین زراعت بانک سی محاسبه کاتب سابق اسرائیل
افندی به حال حیائنده کفالت ایدن متوفی عوادیس
اغا ورته سنک کسب قطعت ایتش اولان برقطعه اعلام
موجبجه تجارندن مغردیج افندی به محکوم به دینلری
بولنان مبالغ معلومه نك استیفاسی ضمننده موقع مزرا-
یده قونیلان بعض املاکنک طالبلری عهده سنه
احاله قطعی سی اجرا اولنسنی متعاقب مومی الیه
اسرائیل افدینک عند الحاسبه ظهور ایدن ذمتدن
طولای معاملات اجرائیه نك لزوم تأخیری مذکور
باقی مأموری جانبدن استدعا اولندیغندن بجه
استفسار معاملاتی متضمن اطنه ولایتی استیناف
محکمه سی مدعی عمومیلکندن وقوعبولان اشعار

اوزرینه ایجاب کیفیت انجمن عدلیه جه لدی التذکر
معاملات اجرائیه نك کسب قطعت ایتش اولان بر
اعلام نظامی به مستند اولسنه قارشو محلی بانق مأموری
طرفندن طلب اولنان تأخیر اجرا خصوصنک دخی
اسباب قانونیه به مبتنی اولسنی ایجاب ایدوب بوده
املاک مذکور نك حیز آلتیه آلتیه متوقف اولدینی
حاله مأمور مومی الیه شو یولده بر تشبثات قانونیه ده
بولنماش و بناء علیه بر کونه معامله اتخاذا و اجراسنه اصولاً
غیر صالح اولان طلب واقعتک تأخیر اجرایی استلزام
ایتمه چکی درکار بولنمش اولدیغندن بوبانده کی احکام
نظامیه به توفیق حرکت ایدلماش اولنسندن طولای
طلب مذکورک شایان اسعاف اولدیغنتک مأمور مومی
الیه تفهیمی و معاملات حیزیه به تشبث و ابتدار اولندی
صورتنده حکم اعلامک تنفیذی لزومنک جواباً
مذکور مدعی عمومیلکه اشعار یله برابر تجارت و نافع
نظارت جلیله سنه ده معلومات اعطاسی افاده اولنمش
و عدلیه نظارت جلیله سنندن دخی اولوجهله ایجابی اجرا
قلنمشدر.

محاکمه مقدمات

حیفا قضاسنه تابع کفر قرق قریه لی امینی ضرب
ایله وفاته سببیت و یردیکی ادعا اولنسنندن دولای
جنايته اتهام اولنان صیدحک بش سنه مدته کورکه
قونلسنه دائر عکا سنجاغی بدایت محکمه سی جزا
دائره سنندن و یریلان یوز آلتش آلتی نومرولی اعلام
باجی قریه لی احمدک زوجیه سی ایه قادینک لیسلاً
خانه سی دیواری دله رک ذخیره سنی سرقت ایلدیکی ادعا
اولنسنندن دولای جنايته اتهام اولنان ولینک اوج
سنه مدته کورکه قونلسنه دائر انقره ولایتی استیناف
محکمه سی جزا دائره سنندن و یریلان یوز اوج نومرولی
اعلام

جمعه لی قریه لی عبداللهی ضرب ایدرک ضول
کوزینی رؤیتدن تعطیل ایلدیکی ادعا اولنسنندن دولای

جنايته اتهام اولنان حسنک اوج سنه مدته کورکه
قونلسنه دائر دکزلی سنجاغی بدایت محکمه سی جزا
دائره سنندن و یریلان یوز یتش یدی نومرولی اعلام
مغالی قریه لی حسنق قتل ایلدیگری ادعا اولنسنندن
دولای جنايته اتهام اولنان چیچان طاهر و صالحک
اون بشر سنه مدته کورکه قونلرینه دائر یوزغاد
سنجاغی بدایت محکمه سی جزا دائره سنندن و یریلان
یکرمی یدی نومرولی اعلام

عباسیه محله لی عبدالواحدی ضرب ایله وفاته
سببیت و یردیکی ادعا اولنسنندن دولای جنايته اتهام
اولنان ایرانی حسین افانک اون سنه مدته کورکه
قونلسنه دائر کربلا سنجاغی بدایت محکمه سی جزا
دائره سنندن و یریلان یوز اون یدی نومرولی اعلام
البریدی محله لی هلالی قتل قصدیه جرح ایلدیکی
ادعا اولنسنندن دولای جنايته اتهام اولنان ابراهیمک
اوج سنه مدته کورکه قونلسنه دائر سوریه ولایتی
استیناف محکمه سی جزا دائره سنندن و یریلان بش
نومرولی اعلام

باغ قریه لی عبداللهک خانه سنه بالدخول اشیانی
سرقت و همشیره سی سلمه بی جرح ایلدیکی ادعا اولنسنندن
دولای جنايته اتهام اولنان درویشک اوج سنه مدته
کورکه قونلسنه دائر سلیمانیه سنجاغی بدایت محکمه سی
جزا دائره سنندن و یریلان اوج یوز قرق درت نومرولی
اعلام

خیره بولی قضاسنده واقع زراعت بانک سی انبارندن
معلوم المقدار قیزلجه و قوش بی سرقت ایلدیکی ادعا
قلنسنندن دولای جنايته اتهام اولنان یانی ولد طو-
دورینک اوج سنه مدته کورکه قونلسنه دائر تکفور
طاغی سنجاغی بدایت محکمه سی جزا دائره سنندن
و یریلان یوز یتش بر نومرولی اعلام

اولونیه ده قهوه جی لونی ولد قسطنطینی قتل
ایلدیکی ادعا اولنسنندن دولای جنايته اتهام اولنان
سمرجی فاکي ولد میطینک اون بش سنه مدته کورکه
قونلسنه دائر برات سنجاغی بدایت محکمه سی جزا
دائره سنندن و یریلان یوز الی آلتی نومرولی اعلام

اسکوبک بار اقریه سی اها لیسندن یرام اوغلی ضیاء الدین نام کسنه یی قتل ایلدیکی ادا اولمسندن دولای جنایتله اتهام اولان صالح بن بلالک اون بش سنه مدته کورکه قولنسه دائر قوصو ولایتی استیناف محکمه سی جزا داره سندن ویریلان یتش یدی نومرولی اعلام رازلق قضاسنه تابع درویشیه قریه لی رستم بن ابراهیمی قتل ایلدکری ادا اولمسندن دولای جنایتله اتهام اولانلردن ایلیانک اون بش و معاونه بولنانلردن طوفیل و یوان و مرقه نک اوچر ستمه مدتلره کورکه قولنلرینه دائر سیروز سنجایی بدایت محکمه سی جزا داره سندن ویریلان اوچوز اون بر نومرولی اعلام

بقه جق قریه سنده مقیم خدمتکار نیکه لی انسطاشی قتل ایتدیکی ادا قلمسندن دولای جنایتله اتهام اولسان احمد بن محمدک اون بش سنه مدته کورکه قولنسه دائر درسعادت جنایت محکمه سندن ویریلان یوز قرق بش نومرولی اعلام جامع عیسی محله لی حاجی قتل ایلدیکی ادا اولمسندن دولای جنایتله اتهام اولنان صفوتک اون بش سنه مدته کورکه قولنسه دائر حلب ولایتی استیناف محکمه سی جزا داره سندن ویریلان اوچوز طقوز نومرولی اعلام محکمه تبین جزا دائره سنجیه تصدیق اولمشدر.

۳۱۰ نومرولی نسخه ده مندرج درسعادت جنایت محکمه سی اعلامنک مابعدی :

بنابرین ۲۱ تشرین اول سنه ۳۱۹ تاریخلی ضابطه عدلیه تقریری ایله مقتول علینک کشفی و مجروح عثمانک معاینه لری حاوی راپورلر اوقوتدرلری . تقریرک خلاصه مانده اشو چهارشنبه کیجه سی ساعت بش یحیی راده لرده ناطر عثمان ایله قهوه چی علینک یکدیگرله وقوعه اولان منازعه لرده عثمان طرفندن علینک جرح و قتل ایلدیکی و عثمانکده مجروح ایدوکی استخبار اوله رق مرقوم عثمان الد ایدله رک استجواب اولدوقده اغا حامی اوکنده بارکی اچرتندن طولای علی ایله وقوعه اولان منازعه لرده کیرصالدیرمه ایله کندوسنی جرح و فرار ایتش ایسه ده کندوسی مرقوم علی جرح و قتل ایتدیکی و محل جریده بولنا قضا علینک اولوب کندوسنی انک ایل جرح ایلدیکی و دیگر کوچک ییچاقده کندوسنک اولمدیغنی بیان ایتش و علینک وقوع و فتنه منی افاده سی آله ماش ایسه ده سورچی ایلیا و اغیانک افاده لرینه نظراً مرقوم عثمانک علی بی جرح و قتل ایتدیکنک اکلشله یی اشعار قلنمش و علینک کشف راپورینک

مقادی معاینه سنده تخمیناً یکری بش باشنده متوسط القامه والنبیه اولوب صدمه خفیه ایله حاصل باشنک ناحیه جبهه سی وسطی ایله زروه انی اوزرلرند سطلی ایکی عدد بره مشاهده اولمش و اوجی سیوری و ایکی طرفی کسکین بر آلت قاطعه ایله حصوله گلش صاغ فخذینک نلک علوسنی قدامنده جزئی منحرف و بر یحیی سانیتمرو طولنده بر عدد جرحه مشاهده اولوب مذکور جرحک استقامتی آلت مخصوصه ایله استقصا اولدوقده اینندن ایسه و قدامدن خلفه و عضلات درونسه قدر نفوذ ایتش اولدینی و بنه عین آلت ایله حاصل مذکور فخذنک نلک اسفل قدامنده یکدیگره موازی بر یحیی سانیتمره طوللرند عمق لری عضلات درونسه قدر دیگر ایکی عدد جرح مشاهده قلندینی و سبب وفاته کلتجه سالف الذکر صاغ فخذینک نلک علوسنه مصادف جرحه درون عضلانده شریان فخذی بی جرح ایدرک سیلان ایدن دمدن یعنی سیلان دم خارجیدن متأثراً وفات ایلدیکی و عثمانک معاینه سنی حاوی راپورک مندرجاتی دخی زروه قفاویه سی اوزرند الت قاطعه ایله حاصل الی سانیتمرو طولنده عمقی عظمه قدر بر عدد جرحه و وجهنک صاغ طرفنده درت سانیتمرو طولنده عمقی عظمه قدر دیگر بر عدد جرحه و صاغ ساعدی وسطی انیسینده بر یحیی سانیتمرو طولنده سطلی بر عدد جرحه وصول الی اوزرند سطلی بر عدد صریق کورلیدی و جراحات مذکورنک یکری کونده ایکی یوز غروش اجرته التیام بولور مواددن اولدینی خصوصاً ستندن عبارت بولمشدر .

قرائت اولنان اوراق مندرجانه نه دیه جکی صوریلان مته سکونی اختیار ایلدی . مدعی عومیلکدن معطی شهود پوصله سنده اسمایی محرر اولوب ورود ایتدکری خبر ویریلان شاهدرلک یکان یکان حضور محکمه ییچقاریله رق لدی السؤال طرفینه عداوت و قرابت و مناسبتلری اولمدیغنی اکلشله قندن قانونی وجهله تحلیقلری اجرا قلندقدن صکره استاع اولدقلرند بولنردن بک اوغلنده ترلا باشنده ساکن اولوب ضبطه نظارت جلیله سنده مستخدم بولنان پولیس قومیسری آستانه لی اوتوز یاشنده جورچی افندی ولد بدروس برکیجه قونقوردا نیازوسی اوکنده طورمقدمه ایکن بارکی اوزرند بولندقلری حالد مته عثمان اوکنده و مقتول علیه ارقده اوله رق کچدکری و اوصرمده مته مک مقوله کفر ایتدکه بولندینی ایتدیکنی و بر مدت صکره جرح وقوعی استخبار ایله کیتدیکنده محل جریده

بر یحیی بولندینی و مته استجوابنده یاره ایچون منازعه ایتدک نی اوردی بنده آتی اوردم دیو سولیدیکنی و شهادتی مته عثمان حقنده ایدوکی بیان ایلدی .

اشبو شهادته نه دیه جکی صوریلان مته علی به کفر ایتدیکنی سولیدی . قوله قبوسنده لوله جیلرده ساکن اوتوز یاشلرند روم ایلیلی بارکی ریحی احمد بن احمد دخی کندوسی قسم قره غولخانه سته جلب ایدلدکه مته مک بایتمده اولدینی کوردیکی و مته مک بن بارکی پاره سنی ویردم دیو سولیدیکنی ایتدیکنی و بشقه معلومان اولمدیغنی ایان ایلدی . لدی السؤال مته اشبو شهادته دیه جکی اولمدیغنی سولیدی . محل مذکورده اسماعیل رئیسک خاندنه ساکن بارکی ریحی احمدک تزدنده سورچی یکری اوج یاشنده یایه لی ایلیا ولد یوان استعطای موجبجه غلطه ده طوغری بولده طورمقدمه ایکن برقهوه چی چراغی کلوب بارکی ایتسمیله برلکده و مقتول علینک قهوه خانه سی اوکنه کیتدکلرند علی ایله مته عثمان ییچقوب بک اوغلنه کیده جکلری بیانه بارکی لرله راکیا بوسک قلدریم طریقله قونقوردیانک اوکنه کلدکلرند یینوب بر بیرخانه بکره رک و بش دقیقه صکره بنه عودته بارکی لرله یینه رک چیچکچی زقانی طریقله یکی چارشودن غلطه سرانی اوکنه و اورادن اغا جامی جوارندکی بروسه زقانه کیروب برقهوه خانه اوکنده بر مدت طوردقلرندن صکره مته عثمان بارکیله حمام قبوسی اوکنه عزیمت و بارکی کیتدوسنه تسلیم ایله حمامه کیردیکندن و بر مدت بکلش ایسه ده چیقمیدیندن قهوه خانه اوکنده طورمقدمه اولان مقتول علی به دها بکلیه بی دیو صوردیننده پاره کی آلدکی دیمسیله قونقوردیانک اوکنده بش غروش آلدیم دیدیکنده بنکی دخی عثمان ویره جک دیوب و بارکیله حمام اوکنه کلوب حمام قبوسنک جامی اوردینی و کلان آدمه عثمانی چاغرملری سولیدیکی ائاده مته عثمان زرباندن اینوب زقاق قبوسی اوکنه ایتدیکنده مقتول علی مته عثمان سن بوراده می قاله جقسنک دیدیکنده عثمان اوت دیمکه بنم بارکی اجرتمیسه ویره جک ایدک ویر دیدیکنده عثمانک نیه ویره م جوابنده بولندینی ائاده علی بش غروش ایچون بی کازه ایتدک سن ویرمز ایسه ک بن ویردم دیه رک آتی سوردیکی ائاده مته عثمان سکره رک و آنک دیرکندن طوتوب نه دیمک ایستورسک آتک اجرتمیده بنی ویره جکم طور ویره م دیه رک قوشاغک آرمه سندن سیاه صابلی اوجی سیوری بر یحیی بالاخراج آل سکا

دیو ییچاق آت اوزرند بولنان مقتول کرد علینک قاصقلرینه طوغری اون دفعه دن زیاده مکرراً صابلا دینی و ا ائاده ییچاقک دیمیری ایکی قات اولغله مته عثمان دوزلنک اوزره اوغراشیر ایکن مقتول علینک قولتی آلتندن اوج برمی اکلیدکنده و اوج قاریش بوینده کیر برصالدیرمه ییچقاروب مرقوم عثمانک اوج دفعه قولنه و ایکی دفعه ده باشنه ویر ایکی دفعه ده بونته و یوزینه طوغری صالایوب و صالدیرمه ائاده اولدینی حالد بارکی سوروب کیتدیکنی و کندوسی بر مدت اوراده ییچود اوله رق قالدقدن صکره بارکیه یینوب غلطه به عودت و وقعه یی حکایه ایدلکدن بر مدت صکره پولیس مأموری کندوسی آله رق و اغا حامی جوا رنده کی بقوشه کونوره رک بایتمده اولان جسدی ارا نه ایتدیکنده کرد علی ایدوکی کوروب سولیدیکنی یاد و شهادتی مته عثمان حقنده ایدوکی ایراد ایلدی . اشبو شاهدک ذات و شهادته نه دیه جکی صوریلان مته سبب درمیان ایتیه رک قبول ایتیه جکی سولیدی . (مابعدی کله جک نسخه به)

محمدی جرح ایلدیکی اصولاً ثابت اوله میان نشنک برائته اسماعیلک قایقندن اشیا سرقت ایلدیکی ثابت اوله میان طورسون بن احمدک برائته یلان بره شهادت ایلدیکی ثابت اوله میان بکر افندینک برائته حسن چاوشک نکار خانمی ضرب ایلدیکی اکلشله مدینقندن برائته

فاطمه خانمک علی بی جرح ایتدیکی اصولاً ثابت اولدینندن ایکی لیرا اله رق مجروح ویرلمسه برکینک طودوری بی ضرب و جرح ایتدیکی اکلشله یینندن برهفته حبسنه شاهینک کبابچی محمدله دیگر محمدی جرح ایلدیکی اصولاً ثابت اولدینندن بر یحیی آتی حبسنه لئون و ابراهیم ادم افندینک اشیا سنی سرقت ایدن عثمانک سکر آتی حبسنه فاطمه بی ضرب ایدن حسیندن ایکی لیرا اله رق مضروبیه اعطاسنه محمد و حسن اغا لرک چواللری سرقت ایدن میخالک اوج آتی حبسنه رابفرک جامی قیدینی ثابت اولان آرتینک اوج کون حبسنه اوقاف هاپونه عائد تحته برده یی هدم ایدن جیل وحسنی و عصمت و انسطاش و ایلیا و لیفورک بره هفته حبسلرینه

قره تک جاملری قیران خرسودن آتی بشلک جزای نقدی آلتسنه ایوبک اشیا سنی سرقت ایدن میخالک سابقه مکرره ایتدین بولنسنه منی آتی آتی حبسنه بر یحیی چوبان کوبکی باشی بوش بر اقدینی ثابت اولان مصطفادن آتی بشلک جزای نقدی آلتسنه علقویه تشهر سلاح ایدن استاورینک اون کون حبسنه ابوستولا انکارلری سرقت ایدن سعیدالدین و شاکرک بره هفته حبسلرینه قوجونی ضرب و جرح ایلدکری ثابت اولان غلطه ده ساکن یورکی استاوری و یانینک اون بشر کون مدتلره حبسلرینه یکدیگری ضرب ایدن نشان طاشنده ساکن آراهی مصطفی ایله یایشه مک بره هفته حبسلرینه درسعادت بک اوغلی واسکدار بدایت محکمه لری جزا دائره لرجه قرار ویرلمشدر .

مُجَازَاتِ اَیْدِیْنَه

عادلجواز قضای بدایت محکمه سی مدعی عمومی معاوی وکی پولیس قومیسری شکری بک ایله ضابطه مأمور سابق ژاندارمه ملازمی کامل و بولوک امینی حزه افندیلرک محکمه مذکورده دن معطی بش قطعه جزا اعلامی حکمنک مرور زمان ایله سقوطه سببت ویردکری وان ولایتی استیناف محکمه سی مدعی عمومی ک معرفیه اجرا قلنان تحقیقاتی حاوی اوراق مندرجاتندن اکلشلمسنه نظراً سائر ایجاب ایدنلر حقارنده دخی تعقیبات قانونیه اجرا قلنمق اوزره وکیل مومی الیهک اجرای محاکمه سنده عدلیه نظارت جلیله سندن مأذونیت ویرله رک کیفیت محلی استیناف مدعی عومیلکنه تبلیغ و انبا قلمشدر .

اَعْلَانَات

نجات بحره محکمه سنده : درعله ده چورایچی خاندنه ساکن ایکن تجارت بحریه محکمه سندن افلاسنه حکم اولمش اولان استبان علسکاسیانک خصوصات افلاسنه سک رؤیت و تسویه سی ضمنتده دعوی وکیللرندن مهران کوریه یان افندی اصالة سندیک تعیین قلنمش اولدینندن مفلس مرقوم ذمتنده آلاجنی اولانلرک قانوننامه تجارتک ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلاندن اعتباراً یکری بر کون طرفنده سنداخی

محکمه کاتبه تسلیم ایللری ومدت مذکورده ختامندن صکره اوج سکونده یعنی اشبو تشرین اولک اون طقوزنجی صالی ویکرمنجی چهارشنبه ویکری برنجی نجشینه کونلری تجارت بحریه محکمه سنک افلاس اوطنه سنه کدرک سندیک افندی مواجهه سنده آلا جقلرینی اثبات و قید و تصدیق ایتدیرملری ومدت مذکورده اثبات وجود ایدیه میان آلا جقلور حقنده قانون مذکورک ۲۱۰ نجی ماده سنده توقیفاً ایضای معامله اوله جتی اعلان اولتور .

ایکنجی نجات محکمه سنده :

مرکزی درسعادت مارپوشجیلرده قوه ن خاندنه اولوب سیواسده طاش خاندنه شعبه سی بولنان سرکر مزاردویان شرکتک ۲۷ ایلول سنه ۳۲۰ تاریخندن اعتباراً اعلان افلاسنه و مصالح افلاسنه نک رؤیت و تسویه سی ضمنتده اعضای محکمه دن سعادتو رضا بکک ژوژ قومیسر و دعوی وکیللرندن مهران کوریه یان و اوخانس بارویان افندیلرک موقت سندیک تعینلرینه و مغازه لرله اشیا زانده ییتلرینک تمهرینه و اوراق و دفاترینک جلیشه و کندولرینک کفالت ارا نه ایدمدکری حالد حبس و توقیفلرینه و بو باده کی قرارک موقتاً اجراسنه ایکنجی تجارت محکمه سندن قرار ویرلش اولدینندن قانوننامه تجارتک ۱۷۰ نجی ماده سی موجبجه دائمی سندیکر انتخاب اولمق اوزره ۳۲۰ سنه تشرین اولک اونبرنجی بازار ایتسی کونی ساعت یدی راده لرند اصحاب مطلوبک محکمه مذکورده نک افلاس اوطنه سنه کلری لزومی اعلان اولتور .

غلطه ده باقی عثمانی قارشوسنده منازده ساکن ایکن ایکنجی محکمه تجارتدن افلاسنه حکم اولمش اولان نیقولوبلو و شرکاسی ذمتنده اله جتی اثبات ویا موقتاً قبول و قید ایتدیرمش اولان اله جقلورک قانوننامه تجارتک ۲۱۱ نجی وانی ولی ایدن ماده سی موجبجه مفلس طرفندن تکلیف اوله جق قونقوردا تونک مذاکره سی ایچون ۱۳ تشرین اول سنه ۳۲۰ چهارشنبه کونی محکمه مذکورده افلاس اوطنه سنده کلری اعلان اولتور .

اعدمات شرعی اجرا دائره سنده :

فاطمه مؤید خانمک زوج سابق عساکر شاهانه ملازملرندن قوتلو اسماعیل انور بک ذمتنده بااعلام شرعی الاجنی اولان مبالغ معلومه نک تأمین استیفا سی ضمنتده مدیون مومی الیهک پدیری استحکام و انشاآت

دائرة سی رئیس سابقی متوفی بخیری پاشا شدن انتقالاً
عهده سنده اولوب محجوز واسکدار بدایت محکمه سی
حقوق دائره سی اعلامیه فروختی محکوم بولنان
قاضی قریه سی جوارنده طوغله جی باشی و نام دیگر
محمد افندی محله سنک کوزتیه موقعه جفته حوضر
جاده سنده واقع یدی نومرو ایله مرقم و اطراف
اربعة سی دیوار ایله محاط اخشاب ایکی باب کوشک
و آبروجه ایکی قورنلی حمام و مطبخ و ایکی عدد
جامکان لبونلق و اوشاق اوطه لری وال ایله جراولنور
ماکنه لی بر عدد قیوی و تخمیناً بشیک یوز الی الی
ذراع باغچه محانی مشتمل و دروننه المالی صوبی جاری
باغ محلی ایله موقع مذکورده و مذکور باغک قارشوسنده
جفته حوضر جاده سنده کائن بش نومرو ایله مرقم
و اطراف اربعة سی دیوار ایله محاط و دروننده آخور
وصانلق و اوشاق اوطه لری و حیوان ایله جراولنور
ماکنه لی بر عدد قیوی مشتمل تخمیناً بشیک الی یوز
بشم بر ذراع مقدارنده مقدما ترلا و الیوم بر قطعه
باغچه ده کی حصه شایعه سی اشبو تاریخ اعلانن اعتباراً
اون بش کون صکره بالمزایده فروخته تشبث اولنه
جغندن طالب اولوب پی سورمک و ده ازیاده معلومات
المق ایستیانلرک مدت مذکورده ختامندن صکره
در سعادت اعلامات شرعیه اجرا دائره سینه مراجعت
ایلری اعلان اولنور .

متوفی شعبان اغا و نه سنک متوفی علی غالب بک
ذمتده قسمت عسکریه محکمه سندن اعطا قلنان بر
قطعه مقتضا اعلامی موجبجه الاجلری اولان مبالغ
معلومه نک تأمین استیفاسی ضمننده مدیون متوفانک
عهده سنده اولوب دینی مقابلنده مرهون و فروختی
محکوم بولنان قرتال قضاسنه تابع صحرای جدید نام
محله واقع معلوم الحدود و المشتملات مع کوشک بر
قطعه باغ بوندن اول لدی المزایده لیرا یوز غروش
حسابیه یدی بیک یوز غروشده طالی اوزرنده
تقرر ایش اولدیغندن یوزده بش ضمیمه بوندن
زیاده به طالب اولنلرک و ده ازیاده معلومات المق
ایستیانلرک اشبو تاریخ اعلانن اعتباراً اوتوز برکون
ظرفنده در سعادت اعلامات شرعیه اجرا دائره سینه
مراجعت ایلری و ختام مدته معامله قانونیه سنک
اجرا قلنه جغنی اعلان اولنور .

اعلامات نظامیه اجرا دائره سنده :

قسطنی ولد خریستونک سودجی ناکی سوطیرو
ذمتده محکوم به آلا جغنی اولان مبالغ تأمین استیفاسی
ایچون محجوز بولنان یدی قلهده قازلی چشمه ده

تیورخانه جاده سنده کائن تربیعاً آلتش ایکی مترو
عرصه اوزرینه مبنی مجدد کارگیر اولوب و فوقنده ایکی
اوطه و برصالون و آلتنده بر مخزن دروننده بر قیوی حاوی
قرق آلتی و قرق سکز نومرولی دکانک ملکله دروننده
بر رکدکنک نصف حصه شایعه سی آلتش برکون مدته
اجرا قلنان مزایده نتیجه سنده عثمانی لیراسی یوز غروش
حسابیه اون بیک بشیوز غروشده طالبی عهده سنده
تقرر ایدرک موقت قرار داده سی کشیده قلنش
اولدیغندن یوزده بش ضم ایله زیاده به طالب اولنلرک
تاریخ اعلانن اعتباراً اوتوز برکون ظرفنده
مراجعت ایلری لزومی و تاریخ مذکورده صکره ضم
آچغسی قبول ایدلیه جکی خصوصی در سعادت اعلامات
نظامیه اجرا دائره سندن اعلان اولنور .

محمد احمد افندی سنک اوزون چارشو قربنده
ابراهیم پاشای عتیق محله سنده فنجانجیلر یوقوشنده
صندوقچیلر زقاعنده مصطفی پاشا خانی اتصالننده
واقع مکتبه مقیم یوسف ابوالسعود افندی به
عیناً اعطاسنه محکوم اولدینی درت یوز جلد شفاء
شریفه بناء مدیون مومی الیهک خواجه فرهاد محله سنده
فضلی پاشا جاده سنده کائن درت والی نومرولی بر
باب خانه ده کی نصف حصه سی ۱۳ تشرین اول سنه ۳۰۳
تاریخیه داین مومی الیه طرفندن حجز آلتنه الیرمش
ایسه ده حجز مذکورک فکی دخی محکوم بولنش
و کوندریلان اخبار نامه ظهرینه محله مذکورده امام و مختاری
طرفلرندن یازیلان درکنارده مومی الیه ابوالسعود
افندی سنک چند سنه مقدم وفات ایدرک و نه سنک غیر
معلوم اولوب معلوم اولسه ده اقامتگاهلری مجهول
بولدینی کوسترملش و محجوز علیه احمد افندی طرفندن
مذکورخانه ده کی نصف حصه سی اوزرینه حاجز مومی الیه
یوسف ابوالسعود افندی طرفندن وضع اولنان سالف
الذکر حجز احتیاطی ایله بالآخره ۴ ایلول سنه ۳۰۷
تاریخنده وضع اولنان حجز اجرائینک فکی باعرفحال
طلب واستعدا ایدلش اولسنه مبنی تاریخ اعلانن
اعتباراً اوتوز برکونه قدر حاجز مومی الیه و نه سی
طرفلرندن مراجعت ایدیلوب اولسایده کی ادعا
وافاده لری نهدن عبارت ایسه بیان ایدلیدی حالده
مدت مذکورده نک اقتضاسندن صکره هراکی جهندن
موضوع حجزک فکی جهته تشبث اولنه جغنی در سعادت
اعلامات نظامیه اجرا دائره سندن اعلان اولنور .

محمد امین اغانک محمد علی افندی ذمتده محکوم به
اله جغنی اولان مبالغ تأمین استیفاسی چون مومی الیهک
عهده تصرفنده اولوب حکماً محجوز بولنان جزری
قاسم پاشا محله سنده جغال اوغلی جاده سنده واقع

تخمیناً طقسان آرشون عرصه اوزرینه مبنی ایکی
قاندن عبارت بش اوطه ایله سمیدجی فرونی اوچاغی
وزمیننده بودرومی حاوی اون نومرولو بر باب
بورجکی فرونک ربع حصه سنک تاریخ اعلانن اعتباراً
اون بش کون صکره بالمزایده فروخته تشبث
اولنه جغنی در سعادت اعلامات نظامیه اجرا دائره سندن
اعلان اولنور .

اسکدار بدایت محکمه سی اجرا دائره سنده :

اسکدارده چارشو ایچنده یوز اون بر نومرولی
دکانده خفایه تجارتیه اشتغال ایتکده ایکن محکمه
تجارت بحریه جه افلاسنه قرار ویرلمش اولان بغوص
و آرتین لیلیان برادرلر شرکتک مذکور دکان
دروننده موجود اولوب بالمزایده فروختی قرارگیر
اولان اموال خفایه نک شهر حال رومینک سکرنجی
جمعه کونی ساعت بش راده لرنده فروخته تشبث
اولنه جغندن طالب اولنلرک حاضر بولنلری اعلان
اولنور .

صابونجی اوغلی متوفی آرتین اغا ورنه سنک
اطناش ذمتده با اعلام آلا جغنی بولنان مبالغ تأمین
استیفاسی ضمننده حجز آلتنه آلتان در سعادتده فئار
جوارنده عبدی پاشا محله سنده بلاط جاده سنده بر طرفی
مادام سوبلیا هولاندونک انشات فابریقه سی و دیگر
طرفی مادام ماری یورکیادینک ساحلخانه سی و طرف
دیگری لب دریا و طرف رابی طریق عام ایله محدود
ودروننده برده مخزن حاوی تخمیناً بیک سکسان
ذراع الی نومرولی ساحلخانه عرصه سنده آلتی حصه
اعتباریه متصرف بولندینی بر حصه شایعه سی عندالمزایده
لیرا یوز غروش حسابیه آلتی بیک بشیوز وینه
اسکدارده ایجادیه محله سنده و جاملیجه نک ایجادیه
جاده سنده بر طرفی قره بت قافه نک عرصه سندن مفروز
حاطون نام کسنه نک عرصه سی و اوچ طرفدن طریق
عام ایله محدود ۱۳۵ و ۱۳۷ و ۱۳۹ و ۱۴۱ نومرولرله
مرقم اوچ بیک ذراع عرصه سندن اون ایکی حصه
اعتباریه والده سی پیرون بنت سروپه دن انتقال ایدن ایکی
حصه شایعه سی اوچ بیک غروش که جمعاً طقوز بیک
بشیوز غروشده طالبلری عهده سنده تقرر ایدرک تاریخ
اعلانن اعتباراً بر ماه ختامنده قرار قطعی سی ویریه جکی
جهتله یوزده بش ضمیمه زیاده به طالب اولنلرک مدت
مذکورده ظرفنده اسکدار بدایت محکمه سی اجرا
دائرة سینه مراجعت ایلری اعلان اولنور .